

"মিষ্টি বাচ্চারা :- এই সময় তোমাদের সকলের বাণপ্রস্তুি অবস্থা, তোমাদের এখন বাণীর উর্ধ্বে নিজের ঘরে ফিরে যেতে হবে, তাই বাবাকে স্মরণ করো"

প্রশ্ন :- ২১ জন্ম সুখ প্রাপ্তির আধার কি ?

উত্তর :- ৬৩ জন্মের ভক্তি । যারা প্রথম - প্রথম সত্যোপ্রধান ভক্তি করেছিলো অর্থাৎ যারা অনেক জন্মের পুরানো ভক্ত, তারাই এখন জ্ঞান শুনছে, তারাই ২১ জন্মের সুখ প্রাপ্তি করে । এখন তোমাদের ভক্তির পার্ট সম্পূর্ণ হয়েছে । ভগবান তোমাদের ভক্তির ফল দিতে এসেছেন । ভক্ত কখনই ভগবান হতে পারে না ।

গীত :- মাতা ও মাতা, তুমিই সবার ভাগ্য বিধাতা....

ওম শান্তি । বাচ্চারা মায়ের মহিমা শুনছে । এখন মাতাকে তো ভগবান বলা যাবে না, কেননা ভগবানকে তো পিতা বলা হয় - পরমপিতা । এখন পিতা থাকলে অবশ্যই মাতা থাকবে । মাতাকে অনেকেই খুব মানে । মাতা থাকলে পিতাও থাকবে । মাতা নিজেকে ভগবান বলতে পারেন না । এই পয়েন্ট ধারণ করতে হবে । জগদম্বার কতো মহিমা । এমন বলা হবে না যে ভগবান বা বাবা সর্বব্যাপী । তা নয়, যখন মাতা পিতা বলা হয়, তখন বাচ্চারাও তো আছে । যদি ভগবান সর্বব্যাপী হয় তাহলে সকলেই তো ভগবান হয়ে গেলো । তাহলে তো ভগবতীও হতে পারবে না । সর্বব্যাপীর জ্ঞানে তো ভগবতী তো থাকে না । সবাই যদি ভগবান হয় তাহলে তো আত্মাই পিতা হয়ে গেলো । মাতা তো থাকলো না । এ খুব ভালোকরে বোঝার মতো কথা । তোমরা জানো যে -- কোনো আত্মাই নিজেকে ভগবান বলতে পারে না । ভক্ত যদি বলে যে আমি ভগবান, তাহলে মাতা তো সিদ্ধ হয় না । আবার ভক্ত তো পুনর্জন্ম নেয় । ভগবান তো পুনর্জন্ম নেন না । এমন নয় যে ভগবানের নিজের কোনো শরীর আছে । তাই এই সর্বব্যাপীর বিষয়ে খুব ভালোভাবে বোঝাতে হবে । ভক্তের জন্য তো ভগবানের প্রয়োজন । ভক্ত অনেক -- ব্রাদার্স - সিস্টার্স -- সকলেই হলো ভক্ত । আত্মা বলে যে - এই সময় আমি ভক্তি কালে আছি । আবার আত্মাই বলবে - এখন আমি বাবাকে পেয়েছি, তাই এখন আমি জ্ঞানে আছি । আত্মাই জ্ঞান শোনে । ভক্ত তো পুনর্জন্ম নেয়, ভগবান তো পুনর্জন্ম নেন না । এই শরীর তাঁর নয় । এ তো সবাই জানে যে -- পাঁচ ত্বকের শরীর নিয়ে ভগবান জন্ম নেন না, তিনি পরকায়াতে প্রবেশ করেন । এই ব্রহ্মা - বিষ্ণু এবং শঙ্করও হলেন সুক্ষ্ম বতনবাসী । তাই প্রতিটি কথাই খুব ভালোভাবে বুদ্ধিতে বসাতে হবে । আত্মা বলে যে, আমি এক পুরানো শরীর ত্যাগ করে অন্য শরীরে প্রবেশ করি । পুরানো শরীর ছোটোই হোক বা বড়, এক ছেড়ে দ্বিতীয় ধারণ করি । এখানে তো হঠাৎই ছোটো বা বড়র শরীর ত্যাগ হয়ে যায় । আর ওখানে তো আয়ু সম্পূর্ণ হওয়ার পরে মনে করে, এখন পুরানো শরীর ছেড়ে নতুন নিতে হবে । এই জ্ঞান তো আত্মার মধ্যেই আছে, তাই না । আত্মাই পুনর্জন্ম নেয় । পরমাত্মার জন্য তো এই কথা বলা যাবে না । ব্রহ্মা - বিষ্ণু এবং শঙ্করকেও পরমাত্মা বলা যাবে না । তাঁরা হলেন সুক্ষ্ম বতন বাসী । বাবা তো মূল বতন বাসী । আর কেউই বুঝতে পারে না যে, পরমাত্মা মূল বতন বা নির্বাণধামে থাকেন । নির্বাণধাম অর্থাৎ বাণীর উর্ধ্বে ধাম তাই বাণপ্রস্তু নাম বলা হয় । বাণীর উর্ধ্বে অবস্থায় যাওয়ার জন্য যখন ৬০ বছর বয়সের পরে মানুষ বৃদ্ধ হয়, তখন বাণপ্রস্তু গ্রহণ করে । এখানে তো তোমরা ছোটো - বড় সকলেই মনে করো যে আমরা বাণপ্রস্তুি । আত্মা বলে যে -- আমাদের বাণীর উপরের স্থানে

যেতে হবে । আত্মাকে পুরুষ বলা হয় । আত্মা যখন শরীরে আসে তখন বলে যে -- এই সময় আমি পুরুষ বা স্ত্রীর শরীর পেয়েছি । তাই আত্মার এখন বাণপ্রস্থে যাওয়ার পুরুষার্থ করতে হবে । আত্মাকে পুরুষ বলা হয় । মাতারা কখনোই বাণপ্রস্থে যায় না । এখানে কিন্তু বাবা বোঝাচ্ছেন - আত্মা তো পুরুষ । তোমাদের সকল আত্মাদের এখন বাণপ্রস্থ অবস্থা । এখন সবাইকে ফিরে যেতে হবে । আমি এখন তোমাদের সকলকে ফিরিয়ে নিয়ে যেতে এসেছি তাই আমাকে স্মরণ করো তাহলেই আমার ধামে যেতে পারবে । এ কথা কোনো মানুষ বলতে পারে না । সুপ্রীম রুহ বাবাই এই কথা বলতে পারেন । সন্ন্যাসী - উদাসীরা এমন বাচ্চা - বাচ্চা করে কথা বলবেন না । বাবার এই জ্ঞান কারোর মধ্যে নেই । জিজ্ঞেস করো তাদের -- ভগবান কোথায় আছে ? তো বলে দেবে ভগবান সর্বব্যাপী । যেহেতু ভগবানের জ্ঞান কারোর মধ্যে নেই তাই ভক্তি করে ভগবানের সঙ্গে মিলিত হওয়ার জন্য কিন্তু কিভাবে আর কবে মিলিত হবে ? এই কথা কেউই জানে না । বাবা বলেন - কোটির মধ্যে কয়েকজনই আমাকে চিনতে পারে । সারসের মতো মানুষ ত অনেক আছে । এদের মধ্যে কয়েকজন হারানিধি (সিকিলধে) আছে যারা এসে আমাকে চিনতে পারবে আর বাবার কাছে নিজের আশীর্বাদী বর্সা নেবে । তোমরা বুঝতে পারো যে এই সময় সকলেই ভক্ত । তারা চায় যে ভগবানের থেকে ভক্তির ফল নেবো । যদি তোমরা সকলেই ভগবান হয়ে যাও তাহলে ভক্ত তো কেউই হতে পারবে না । যদি তোমরাই ভগবান হয়ে গেলে তাহলে তোমাদের আর কিসের চাহিদা থাকবে ? ভক্ত তো ভগবানের সাথে মিলিত হতে চায় । নিজেকে ভগবান বলা - এ তো এক ধরনের অপমান হয়ে গেলো, এর থেকে বড় অপমান আর কিছুই হয় না । আল্লাহর থেকে আমরা তো বরিস্তের বার্ষা নিতে চাই । তোমরা বলো যে - আমরাই আল্লাহ । এখন তোমরাই বিচার করো । তোমাদের যদি কেউ বলে -- আমি আল্লাহ, এ কিভাবে হতে পারে ? আল্লাহ তো সবার থেকে বড় । এ তো খুবই বোঝার কথা । কখনোই কেউ নিজেকে আল্লাহ বা ভগবান বলতে পারে না । বাবা সকলেরই এক । এমন অনেকেই বলে যে ভগবান সর্বব্যাপী । আরে, তুমি ভগবান এ কথা তো আমরা মানি না । আমরা তো ভক্ত । সেই মাশুকের আশিক আমরা । এক পরমাত্মাকেই পতিত পাবন বলা হয় ।

তোমরা তো জানো যে, তোমাদের বড়রা বলে যে, রচয়িতা আর রচনা হলো অন্তহীন । তাহলে তোমরা নিজেকে কিভাবে রচয়িতা বলতে পারো ? বীজ অন্তহীন হতে পারে না । ঝাড়কে অন্তহীন বলা হয় । এতো পাতা ইত্যাদি গোনা সম্ভব নয় । এক বীজ থেকে কতো ডালপালা, পাতা ইত্যাদি বের হয় । তোমরা হলে চৈতন্য, তোমরা চলাফেরা করো । সবথেকে বড় মহিমা হলো মানুষের । বাবা বলেন, আমি এসে বাচ্চাদের সমস্ত নাটকের রহস্য বুঝিয়ে বলি । এ তো বানানো এক ড্রামা । এই নাটক নিয়েই তোমাদের চলতে হবে । তোমরা বাবার সন্তানরা স্বদর্শন চক্রধারী হও । বাবা তোমাদের আত্মাদের বসে নিজের সমান বানান । তোমরা এই সৃষ্টির আদি - মধ্য এবং অন্তকে জানো । তোমরা নতুন দুনিয়ার জন্য, নতুন ধর্মের স্থাপনার জন্য পরমপিতা পরমাত্মার থেকে নতুন কথা শোনো, যিনি এই সৃষ্টিকেও পবিত্র করেন । তিনি তোমাদেরও নতুন করে বানান । নতুন সৃষ্টিতে নতুন দুনিয়া হবে স্বর্গের, এখন তো নরকের দুনিয়া । তোমরা এখন নরকের দুনিয়ায় আছো । এখন পরমপিতা পরমাত্মা এসেই তোমাদের স্বদর্শন চক্রধারী করেন । বাকি সকলেরই তো দুটিই হাত থাকে । মানুষ যে ৮৪ জন্ম নেয়, তাদের চারটি হাত কখনোই হতে পারে না । তোমরা এমন কথা কখনোই শুনবে না যে, শঙ্করের একশো বা হাজার হাত আছে । ব্রহ্মার হাত দেখানো হয়েছে । কেউ বলে আমরা চতুর্ভুজ ব্রহ্মার কাছে গেছি, কেউ আবার বলে আমি হাজার ভুজাধারী ব্রহ্মার কাছে গেছি । ব্রহ্মার সন্তান বৃদ্ধি পেতে থাকে । তাহলে কতো ভুজা হয়ে যাবে ? তিনি তো প্রজাপিতা, তাই না । সৃষ্টির যখন

রচনা করেছেন তখন বরাবর বাহু থাকবে। বাকি মানুষেরা কখনো চার বা ছয় ভূজাধারী হয় না। সুক্ষ্ম বতনে তো কিছুই নেই। এই সব বাবা বসে বোঝান। তিনি বলেন, এই দাদাও অনেক শাস্ত্র পড়েছেন, গুরু করেছেন। সে হলো ভক্তি মার্গ। তোমাদের ভক্তির পার্ট সম্পূর্ণ হয়েছে। তোমরা হলে অলরাউন্ডার। শুরুর থেকে তোমরা অনেক বেশী ভক্তি করে এসেছো। এই সময় ভক্ত তো অনেক। তোমরা তো অল্প বাচ্চা। বাবা বলেন --- আমি তোমাদের সাক্ষাৎকার করাই। কোনো ভক্ত যদি স্মরণ করে, তাকেও সাক্ষাৎকার করাই। তোমরাই সতোপ্রধান ভক্তি করেছো তাহলে তোমরাই সবথেকে বেশী জন্ম নিয়েছো। তোমরা ৬৩ জন্ম ভক্তি করেছো। তার পরিবর্তে তোমরা ২১ জন্মের সুখ পাও। এ কতো বোঝার কথা, তাই নতুনরা যখন আসে তখন তাদের দিয়ে ফর্ম ভর্তি করানো হয়। এই ফর্ম খুব সুন্দর --- তোমাদের গুরু কে? গুরু করলে অবশ্যই তোমরা ভক্ত হলে। তোমরাই যদি ভগবান হলে তাহলে গুরু কেন করলে? ভগবান কিভাবে ভগবানকে গুরু করবে? ভক্ত ভগবানের সঙ্গে মিলিত হওয়ার জন্য গুরু করে। তোমরা যদি নিজেরাই ভগবান হলে তাহলে গুরু দিয়ে কি হবে? অনেক যুক্তি দিয়ে বুদ্ধির সঙ্গে বোঝাতে হবে। রোজ তোমাদের নতুন নতুন কথা বোঝানো হয়। মল্ল যুদ্ধে অনেক যুক্তির সঙ্গে লড়াই হয়। কোথা থেকে অমুককে লক্ষ্য করবো, কিভাবে তীর মারবো।

মানুষ আদি দেব ব্রহ্মাকে মহাবীর বলে দ্বিধায় ফেলে দিয়েছে। কেউ কেউ হনুমানকে মহাবীর বলবে কেননা হনুমান মহাবীরত্ব দেখিয়েছে। কোথায় সেই মহাবীর, আবার তার নাম পবন পুত্র রেখে দিয়েছে। আদি দেব তো ব্রহ্মা, তিনিও মানুষ। জগদম্বাও মানুষ। এতো হাত কোথায়? মাতার যদি এতো থাকে, তাহলে আমাদেরও থাকা উচিত। এ খুবই আশ্চর্যের কথা। এমন নয় যে সকলেই এই জ্ঞান ধারণ করে সেই নেশায় থাকে। এখানেও নম্বর অনুযায়ী। ওই সংসঙ্গে এমন কথা থাকে না। এ তো স্কুল। এখানে নম্বর অনুযায়ী বাচ্চারা আছে। কারোর মায়ার তুফান এলো আর পড়ে গেলো, তাই ব্রাহ্মণদের মালা তৈরী হয় না। যখন ফাইনাল মালা তৈরী হবে তখন তাকে রুদ্র মালা বলবে। তোমরা হলে রুদ্র শিববাবার সন্তান। রুদ্র যন্তু যখন রচনা করা হয় তখন রুদ্রের চিত্র বড় বানানো হয়। বাকি ছোটো ছোটো শালগ্রাম বানিয়ে মানুষ পূজা করে। বাবা বসে এইসব গুহ্য কথা বুঝিয়ে বলেন। সেবাপরায়ণ বাচ্চারা খুব ভালোভাবে ধারণ করতে পারবে আর অন্যদেরও বোঝাতে পারবে। এ তো খুবই সহজ। আমরা সকলেই আত্মা। বলা হয় সকলেই ভাই - ভাই। আত্মারা সকলেই ভাই - ভাই। ভাই - ভাই বলে আবার নিজদের মধ্যে লড়াই ঝগড়া করে। যখন বলো, সকলেই ভাই - ভাই, তাহলে সকলেই বাবা, কিভাবে বলতে পারো? সকলেই ঈশ্বর, এ কথা কিভাবে বলো? সব ভগবান ভাই - ভাই কিভাবে হতে পারে? তিনি তো সমস্ত আত্মাদের বেহদের বাবা। এ কতো সহজ কথা। তোমরা জানো যে ব্রহ্মার দ্বারা নতুন দুনিয়ার স্থাপনা হয়। তারপর আস্তে আস্তে বাড়তে থাকে। এক থেকে দুই, দুই থেকে চার হয়। এমনভাবে বৃদ্ধি পেতে থাকে। বরাবর প্রজাপিতা যখন ব্রহ্মা তখন নতুন সৃষ্টির তো রচনা হবেই। জগত পিতা, তিনি হলেন রচনাকার। তোমাদের তিনি রচনা করেছেন। প্রজাপিতা ব্রহ্মার দ্বারা তিনি নতুন প্রজার রচনা করেন, অর্থাৎ পুরানো থেকে নতুন তৈরী করেন। মানুষ তবুও মনে করে সাগরের জলে পিপল পাতায় ভেসে এসেছে। আচ্ছা, তাঁকে কে রচনা করেছেন। এ কথা বাবা বসেই বোঝান যে নতুন প্রজা কিভাবে রচনা করা হয়? সেখানে, অর্থাৎ স্বর্গে আত্মা গর্ভে যেন আরামে বসে থাকে। সেই সময় কোনো জ্ঞান থাকে না। শাস্ত্রে তো কেমন সব কথা লিখে দিয়েছে। প্রলয়ও বড় এবং ছোটো দেখানো হয়। ওরা বলে প্রলয় হয়। বাবা বলেন, প্রলয় কখনো হয় না। আমি আসি ব্রহ্মার দ্বারা পতিতকে পবিত্র বানাতে। তোমরা এক

একজনের কাছে ভোঁ ভোঁ করো । এখন সকলেই বিকারী এবং পতিত । বাবা হলেন পতিত পাবন, তাঁর দ্বারাই আমরা ঈশ্বরের সাহায্যকারী হই । আমরাও নিজে পবিত্র হই এবং অন্যদেরও পবিত্র করি । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :--

১) এই বানানো ড্রামার উপরেই চলতে হবে । গুণনের মন্বন করে স্বদর্শন চক্রধারী হতে হবে । সর্বদা খুশীতে থাকতে হবে ।

২) ভক্তদের ভগবানের সত্য পরিচয় দিতে হবে । বিভ্রান্তির হাত থেকে মুক্ত করতে হবে । ব্রহ্মার সাহায্যকারী হাত হয়ে ঈশ্বরীয় সাহায্যকারী হতে হবে ।

বরদান :- অখণ্ড স্মৃতির দ্বারা বিঘ্নের বিদায়কারী মাস্টার সর্বশক্তিমান ভব

সঙ্গম যুগ হলো বিঘ্নকে বিদায় দেওয়ার যুগ, যাকে অর্ধেক কল্পের জন্য বিদায় দিয়ে দিয়েছো তাকে আর আসতে দিও না । সর্বদা স্মরণে রেখো, আমরা হলাম বিজয়ী রত্ন, মাস্টার সর্ব শক্তিমান -- এই স্মৃতি যদি অখণ্ড থাকে, তাহলে শক্তিশালী আত্মাদের সামনে মায়ার বিঘ্ন আসতে পারবে না । বিঘ্ন এলো - তাকে দূর করলে - তাহলে অখণ্ড, অটল বলা হবে না, তাই সর্বদা শব্দের উপর নজর দাও । সদা স্মরণে থাকলে সর্বদা নির্বিঘ্ন থাকতে পারবে আর বিজয়ের বাজনা বাজতে থাকবে ।

স্লোগান :-- ঈশ্বরীয় সেবায় নিজেকে অফার করাই হলো বাপদাদার ধন্যবাদ প্রাপ্ত করা ।